



**Republika e Kosovës**  
**Republika Kosova-Republic of Kosovo**  
*Qeveria - Vlada - Government*

## **Komisioni Ndërmintor për Reformën e Administratës Publike**

---

### **PROCESVERBAL**

**i Mbledhjes së dt. 19 Nëntor 2013 të  
Komisionit Ndërmintor të Reformës së Administratës Publike**

Mbledhja e KNRAP është kryesuar nga Z. Mahir Yagcilar, Ministër i Administratës Publike

### **Hyrje dhe miratimi i agjendës**

Mbledhja u hap nga Ministri Yagcilar i cili pasi përshëndeti dhe falënderoi të pranishmit për kontributin e tyre të pa kursyer, kërkoi nga ta për të vazhduar me përkushtim edhe më të madh reformimin e administratës publike, duke theksuar se në këtë periudhë duhet të përqendrohemi në përmbushjen e konkluzioneve të dala nga takimi i parë i Grupit të Veçantë për Reformën e Administratës Publike (GVRAP). Këtë fjali hyrëse Ministri i Administratës Publike e përfundoi duke kërkuar realizimin e aktiviteteve të Planit të Veprimit për Reformën e Administratës Publike dhe koordinimin e mirëfilltë për zbatimin e gjithmbarshëm të Strategjisë përkatëse.

Agjenda u miratua nga të gjithë anëtarët dhe është e bashkëngjitur në Aneksin 1 të këtij procesverbali.

### **Pika e rendit të ditës**

Në vazhdim dhe në bazë të agjendës së takimit, u bë prezantimi i raportit mbi zbatimin e Planit të Veprimit për Reformën e Administratës Publike (PVRAP) nga Z. Fatos Mustafa, U. d. Drejtor i DMRAP i cili informoi të pranishmit se realizueshmëria e PVRAP ne tërësi deri me tani është mbi 63 % edhe pse në praktike ka shumë aktivitete

që priten shume shpejt të përfundohen të cilat e rrisin realizueshmërinë e zbatimit të PVRAP në përqindje. Andaj z. Mustafa kërkoi nga KNRAP që ti lejohet të bëj ndryshime në draft-raportin mbi zbatimin e PVRAP nëse përfundon ndonjë veprim apo aktivitet i cili drejtpërdrejtë e rrit realizueshmërinë e zbatimit deri para mbledhjes së Qeverisë në të cilën do të miratohet ky draft-raport .

Më pastaj, Draft-raporti mbi zbatimin e PVRAP u miratua në parim njëzëri nga anëtarët e KNRAP dhe Kryesuesi i KNRAP kërkoi që ky draft-raport të ndryshohet nëse përfundon ndonjë veprim i cili e rrit realizueshmërinë deri në momentin kur do të procedohet për miratim në Qeveri.

Po ashtu, në këtë takim nga Z. Mustafa u bë prezantimi i draft-Udhërrëfyesit për PVRAP për vitin 2014, i cili njoftoi të pranishmit se ky dokument përmban gjithsej tridhjetë e shtatë (37) veprime për dymbëdhjetë (12) objektivat strategjike të PVRAP, të cilat janë vendosur në bashkëpunim me koordinatorët e nëngrupeve punuese ku është përfshirë edhe kostoja financiare për secilin veprim.

Në vazhdim, përfaqësuesja e Zyrës së Bashkimit Evropian (ZBE), Znj. Albina Duraku Nura, kërkoi që disa nga veprimet e vendosura në draft-Udhërrëfyesin për vitin 2014 të rishikohen edhe njëherë para se dokumenti të dërgohet për aprovim në Qeveri meqë vlera e kostos së projekteve që financohen nga ZBE nuk është e kufizuar vetëm në vitin 2014 por edhe për vitet tjera në vazhdim.

Draft-Udhërrëfyesi për vitin 2014 u miratua në parim nga KNRAP dhe Kryesuesi i KNRAP kërkoi që DMRAP të marr parasysh vërejtjet e ZBE-së para se dokumenti të dërgohet për aprovim në Qeveri.

Sipas agjendës së takimit në vazhdim janë prezantuar nga ekspertët e SIGMA-së përvojat e vendeve të ndryshme të Bashkimit Evropian (Suedia, Portugalia, Letoni dhe Kroacia) lidhur me koordinimin dhe menaxhimin e reformës së administratës publike.

### **Pjesa përfundimtare e takimit**

Në vazhdim të takimit, Ministri Yagcilar i falënderoi të pranishmit për punën dhe angazhimin e tyre në procesin e reformës së administratës publike e në veçanti ekspertët e SIGMA-së për prezantimet e tyre lidhur me koordinimin dhe menaxhimin e reformës së administratës publike në vendet e ndryshme të BE-së. Po ashtu, ai theksoi se lidhur me procesin e reformës së administratës publike deri në fund të vitit 2013 do të miratohen të gjitha rregulloret për organizimin e brendshëm dhe sistematizimin e vendeve të punës për institucionet në nivelin qendror, si dhe shumë shpejt do të procedohet për miratim në Qeveri projektligji për Pagat e Funkionarëve të Lartë Publik dhe projektligji për unifikimin e Pagave për Sektorin e Shëndetësisë, Arsimit dhe Sigurisë. Gjithashtu, Ministri Yagcilar theksoi se për të qenë të suksesshëm në këtë

proces, ne kemi nevojë edhe për burime njerëzore, ngritje të kapaciteteve dhe mbështetje financiare.

### ***Konkluzionet***

Konkluzionet e përgjithshme të dala nga ky takim janë:

- (1) Draft-raporti mbi zbatimin e Planit të Veprimit për Reformën e Administratës Publike të ndryshohet nëse përfundon ndonjë veprim i cili e rrit realizueshmërinë deri në momentin e dërgimit për miratim në Qeveri.
- (2) DMRAP të marr parasysh vërejtjet e ZBE-së për Draft-Udhërrëfyesin për vitin 2014 dhe pastaj të dërgohet për aprovim në Qeveri.

Anekset:

Këtij procesverbali i aneksohet agenda e takimit.

.....  
Sekretariati i KNRAP

## AGJENDA

**19 nëntor 2013**

<b>Data:</b>	19 nëntor 2013	
<b>Vendi:</b>	Salla P-38, Qeveri	
<b>09.00 - 10.15</b>	Takimi i Komisionit Ndër-Ministror për RAP (KNRAP)	
<b>10.15 - 10.30</b>	Pushim për kafe	
<b>10:30 - 10:45</b>	Mirëseardhja dhe prezantimi i takimit të mbështetur nga SIGMA për mekanizmin Koordinues të RAP dhe përgatitjet dhe prioritetizimi i PV RAP për 2014 (Udhërrëfyti).	Ministri i MAP/SIGMA
<b>10.45 - 11:00</b>	Mekanizmi për Menaxhimin dhe Koordinimin e RAP në Kroaci (struktura, procesi, cilësia - aplikueshmëria për Kosovën)	Eksperti i SIGMA-s
<b>11:00 - 11:15</b>	Mekanizmi për Menaxhimin dhe Koordinimin e RAP në Suedi (struktura, procesi, cilësia - aplikueshmëria për Kosovën)	Eksperti i SIGMA-s
<b>11:15 - 11:30</b>	Mekanizmi për Menaxhimin dhe Koordinimin e RAP në Letoni (struktura, procesi, cilësia - aplikueshmëria për Kosovën)	Eksperti i SIGMA-s
<b>11.30 - 11.45</b>	Mekanizmi për Menaxhimin dhe Koordinimin e RAP në Portugali (struktura, procesi, cilësia - aplikueshmëria për Kosovën)	Eksperti i SIGMA-s
<b>11:45 - 12:15</b>	<u>Konkluzionet e MPA</u> nga prezantimet për menaxhimin dhe koordinimin e RAP. Sesi i Pyetjeve & Përgjigjeve. Diskutimi për përmirësimet e nevojshme dhe të mundshme të mekanizmit për Menaxhimin dhe Koordinimin e RAP në Kosovë dhe mënyrat për arritjen e ndryshimit.	MAP prezanton. MAP moderon Të gjithë pjesëmarrësit Këshilla nga eksperti i SIGMA-s
<b>12.15</b>	<u>Prioritetizimi i Planit të Veprimit për RAP</u> (Udhërrëfyti) - Prezantimet nga MAP. Çka është bërë dhe cila punë ka mbetur të kryhet? Sesi i Pyetjeve & Përgjigjeve. Diskutim për mënyrën e adresimit të tij në nivelet politike, ndërlidhja me objektivat e Qeverisë, sigurimi i resurseve, etj?	MAP prezanton. MAP moderon Të gjithë pjesëmarrësit Këshilla nga eksperti i SIGMA-s